



ARAUDIA Masters CaixaBank 2020

1. TXAPELKETA SISTEMA

Masters CaixaBank 2020 txapelketak fase hauek izango ditu: sailkapen liga, finalaurrekoak eta finala.

1.1. SAILKAPEN LIGA

1.1.1. PARTE HARTZAILEAK

Fase honetan 8 bikote mistok parte hartuko dute.

Araudi hau ondorio guztietarako aplikaturik, pilotari “titulartzat” joko dira aurkezpen ekitaldian bikote bateko kide gisa iragarritako pilotariak. Horren arabera “titulartzat” jotzen ez diren pilotariak “ordezkoak” izango dira –ondorio guztietarako-, edozein dela ere fase batean edo gehiagotan jokaturako partida kopurua, edo partida horietan lortutako emaitza. Pilotari “ordezkatzaileek” “ordezkoen” izaera berbera izango dute, Araudi honetan fase bakoitzerako aurreikusita dauden ordezkapen arauak aplikatzeko.

1.1.2. TXAPELKETA EGUNAK

Sailkapen ligan, bikote guztiek bi aldiz jokatuko dute elkarren aurka. Sailkapen ligako faseak hamalau txapelketa egun izango ditu.

1.1.3. SAILKAPENA

Sailkapenean bikote guztiak agertuko dira, eta puntu bat emango zaie irabazitako partida bakoitzeko. Hamalau txapelketa egunen ondoren, behin betiko sailkapena egingo da, bikoteek lortutako puntuak aintzat hartuta. Berdinketarik izanez gero, irizpide hauek erabiliko dira:

- I. Puntu berdinketa bi bikoteren artean bakarrik gertatzen bada:
 - a) Postu hobea lortuko du bi bikoteen arteko bi partidetan tanto koefiziente (aldeko tantoak ken aurkakoak) onena lortu duen bikoteak.
 - b) Berdinduta jarraitzen badute, postu hobea lortuko du sailkapen ligako partida guztietan koefiziente (aldeko tantoak ken aurkakoak) onena lortu duen bikoteak.
 - c) Berdinduta jarraitzen badute, postu hobea lortuko du puntuazio kaxkarrenarekin galdutako partidetan tanto gehien egin dituen bikoteak; eta berdinduta jarraituz gero, bigarren puntuazio kaxkarrenarekin galdutako partidetan tanto gehien egin dituenak, eta horrela hurrenez hurren.
- II. Berdinketa bi bikote baino gehiagoren artekoa bada, postu hobea lortuko du, hurrenez hurren:



- a) berdinduta dauden bikoteen arteko partidetan puntu gehien lortu duen bikoteak;
- b) berdinduta jarraitzen badute, berdinduta dauden bikoteen arteko partidetan koefiziente onena (aldeko tantoak ken aurkakoak) lortu duen bikoteak;
- c) berdinduta jarraitzen badute, sailkapen ligako partida guztietan koefiziente (aldeko tantoak ken aurkako tantoak) onena lortu duen bikoteak.
- d) berdinduta jarraitzen badute, puntuazio kaxkarrenarekin galdutako partidatan tanto gehien egin dituen bikoteak; eta berdinduta jarraituz gero, bigarren puntuazio kaxkarrenarekin galdutako partidatan tanto gehien egin dituenak, eta horrela hurrenez hurren.

1.1.4. ORDEZKAPENAK

Pilotari batek ezin badu sailkapen ligako partida bat edo gehiago jokatu, bere enpresak izendatuko duen ordezeko batek beteko du bere lekua.

Sailkapen ligan pilotari baten ordezeko gisa aritu den pilotari bat ondoren beste baten edo batzuen ordezeko izan ahalko da, bai fase horretan, bai ondorengo faseetan. Bikoteetako pilotari titullarrak ezingo dira beste bikote batzuetako ordezeko izan sailkapen ligan.

Ordezko pilotari batek sailkapen ligan jokatzeko badu, ez da titular bihurtuko partida kopuru jakin bat jokatzegatik bikote bateko kide gisa edo garaipen kopuru jakin bat lortzegatik bikotekide horrekin.

Edonola ere, ordezeko pilotari bat beste ordezeko batek ordeztu ahal izango du.

1.2. FINALAURREKOAK

1.2.1. PARTE HARTZAILEAK

Fase honetan sailkapen ligan postu onenak lortu dituzten 4 bikoteek parte hartuko dute.

1.2.2. TXAPELKETA EGUNAK

Finalaurreko fasean partida bakarra jokatu duo bikote bakoitzak. Hauek izango dira partidak:

- Sailkapen ligako 1.a & sailkapen ligako 4.a;
- Sailkapen ligako 2.a & sailkapen ligako 3.a.

1.2.3. ORDEZKAPENAK

Pilotari batek ezin badu finalaurreko partida jokatu, bere enpresak izendatuko duen ordezekoak beteko du bere lekua.

Finalaurreko partidetan, ordezeko pilotari batek ezingo du bikotekide batekin baino gehiagorekin jokatu.



Bikoteetako pilotari titularrak ezingo dira beste bikote batzuetako ordezeko izan finalaurreko fasean.

Edonola ere, ordezeko pilotari bat beste ordezeko batek ordeztu ahal izango du.

1.3. FINALA

1.3.1. PARTE HARTZAILEAK

Finalaurreko partidetakoa bikote garaileek jokatu dute finala. Finalaurreko partidetan tanto gehien egin dituen bikote galtzailearentzat izango da 3. postua, eta tanto gutxien egin dituenarentzat, berriz, 4.a. Bi bikoteek tanto kopuru bera eginez gero finalaurreko partidetan, sailkapen ligan postu onena lortu duenarentzat izango da 3. postua.

1.3.2. DATA

Finala partida bakarrekoa izango da.

1.3.3. ORDEZKAPENAK

Pilotari batek ezin badu finala jokatu, ordezeko batek beteko du bere lekua. Jokatu ezin duen jokalaria enpresak erabakiko du zein izango den ordezeko pilotaria.

2. ATSEDENALDIAK

Txapelketako partidetakoa atsedenaldiei buruzko alderdi guztietan EPELen Atsedenaldien Araudian jasotakoa beteko da.

3. SAKEAK

Bikote bakoitzak sake bakarra izango du, eta aurkarientzako tantotzat joko dira "Pasa" lerroa gainditzen dutenak, "Falta" lerroa iristen ez direnez gainera.

4. DOPINAREN AURKAKO KONTROLAK

Txapelketan dopinaren aurkako kontrolak egingo dira, eta EPELen Dopinaren Aurkako Araudian aurreikusitakoak arautuko ditu kontrol horiek.

5. PILOTARI BAT ORDEZTEA

Bere enpresaren ezagutza eta uste zintzoaren arabera pilotari batek ez badu eska dakioken maila ematen partidetan, enpresa bereko beste pilotari bat jarri ahal izango da haren ordezkari. Araudiaren atal honetan oinarrituta pilotari bat beste baten ordezkari sartzeko, "ordezkapenei" dagokienez fase bakoitzerako aurreikusita dagoena aplikatuko da.

6. GATAZKAK EBAZTEA ETA ARAUDIA INTERPRETATZEA



Araudi honen edukiari begira gatazkarik sortuko balitz, izan interpretazio arazoengatik, izan ez duelako inongo xedapenetan jasotzen planteatutako egoera jakin bat, EPELeko Txapelketako Epaille Bakarraren ardura izango da gatazka hori ebaztea, eta haren erabakia apelaezina izango da.

7. AZKEN XEDAPENA

Behin txapelketa hasita, EPELek araudi honetan aurreikusitakoa garatzeko eta aldatzeko xedapenak agindu ahal izango ditu, dagokion akordio arrazoituaren bitartez, bereziki aparteko akordio bat justifikatzen duten bat-bateko egoeretan.

8. RANKINGA

EPEL Rankingaren ondorioetarako, **Masters CaixaBank 2020** txapelketan puntuazio hauek emango dira:

1. kategoriako bikoteak	
Txapelduna	300
Txapeldunordea	180
3. sailkatua	90
4. sailkatua	60
Sailkapen liga	35 (*)

(*) Metagarriak